



Federacion di basketball tin un coach Venezolano pa entrena e atletanan

Recientemente Aruba Basketball Bond a adkiri un coach di Venezuela pa asina entrena nos atletanan di basketball pa un luna largo. E entrenando Jeancarlos Antonio Ortega Concho lo bin asisti A.B.B den e desaroyo di e deporte di basketball

como tambe contribui na e yuda hisa e nivel di nos coachnan y nan atletanan.

Henter e luna di juni, coach Ortega Concho lo traha cu e grupo di atletanan di e categorianan u12 - u15 - u17- u19 y probablemente u21. E tarea di coach Ortega Con-

cho lo ta uno amplio unda e lo aplica entrenamiento di "drills cu no solamente ta mehora e prestacion di nos atletanan pero tambe reta nan pa mehora nan disciplina pa e competencia.

Na banda di esaki lo enfoca riba e preparacion di nos e atletanan participacion den

competencianan internacional. Lo pone atencion na nos dirigente y coachnan mirando cu lo ofrece clinica nan varia cu mester tin un impacto positivo riba e desaroyo di e deporte di basketball y nan atletanan.

Basketball semper tabata un

deporte hopi gusta na Aruba, e influencia di e liga profesional na Merca, NBA tin un impacto grandi riba nos muchanan den tur edad. Den diferente bario y YMCA tin un cancha di basketball unda esakinan ta yen tur dia di hobennan cu ta practica e deporte di bala. □